

Jém carta jém ijayñewiip jém Judas

Jém Judas ijáyáypa jém Dios ipixiñtam

¹Ich aJudas aŋcuyoxap jém tánOmi Jesucristo. Jém Jacobo antiwi. Siip manjáyáypa mimichám jém aguiptic miŋoypa tanJatuj Dios, jém miŋwejayñewiip. Miwatneta cuenta jém tánOmi Jesucristo. ²Wi iga miyaachaŋjamtámiñ Dios y iga jáyanáñ jém paz y jém wibic tóyooyi.

Jém malopic maestroyaj inquejpa migooyi

(2 Pedro 2:1-17)

³Mantiwitam, mantoytampáppic, tsam anjįspa iga manjáyáypa más parejo tiítam tannascaaba cuando taciacputtámpa jém tánOmi Jesucristo. Pero siip anjįspa iga más wi iga manjáyáypa iga miñpa jém enemigoyaj. Mananquímpa iga seguido miŋatámiñ con jém ijóyxpáppic jém wibic aŋmafi iga taŋcupicpa Cristo. Tuŋciy ichac Dios yíp wibic aŋmafi para siempre. ⁴Algunos jém malopic pixiñtam yamtigiyñeyaj con jém Dios ipixiñtam. Pero dende wiñigam jaycámnetá jém

Dios inmafi iga jexpic pixiñtam ichiiba castigo tanJatuj Dios. Yíp malopic pixiñtam da imatoŋyajpa fi inímáypa Dios. Niŋyajpaŋim iga wiap taŋwatta itumpiy malopic cosa juuts taŋcusúnıypa tánanamanjom y da tachiiba castigo Dios porque tsam tóyóypa. Jeeyaj innécyajpa jém tanAnjagooyi, jém tánOmi Jesucristo.

⁵Manacjįspa, aunque michám injodontam itumpiy yıpyaj cosa, iga tanJatuj Dios cuando itop jém ipixiñtam jém naxyucmi de Egipto, iccucaayyaj itumpiy jém dápic icupicyaj. ⁶Wiñigam algunos jém siŋyucmıpic pixiñtam ichacyaj jém icargo jém ichiñewiip Dios. Ichacyaj itıcmı iga iwatyajpa juuts iwıanjamıyaj iyaac. Pero siip matsyajta, pajta para siempre jém piichciim hasta jém injanpıgam jama cuando Dios icıpiŋpa jém malopic pixiñtam y ichiiba jém castigo. ⁷Jıstaamıtım jém pixiñtam jém itıyajwiip idıc jém Sodoma y Gomorra con jém tuŋgac tıganjoj, jém itıyajwiip nocojom. Jeeyaj tsam pımi imalwatıyaj juuts jém malopic siŋyucmıpic pixiñtam. Tsam icusúnıyıyajpa itumpiy jém malopic cosa. Tsam pejoyıyajpa.

Pixiñ con pixiñ nacusúniyyajta. Yomo con yomo nacusúniyyajta. Jesic Dios ichi tum mijpic castigo. Jipsquetyajpa jeeyaj jém juctjom juť da nunca píchpa. Tsíyyaj juuts tum ejemplo para ítumpiy jém pixiñtam.

⁸Jesanelim jém yamtigiñeyajwiip con mimichfam, jém mawíñayajpáppic, imalwatyajpa con imijtay. Da ijcpa iga anjactap. Tsam injibaccúmpa, imalnímáypa jém sinyucmipic anjagooyiyaj. ⁹Wiñic jém arcángel Miguel tsam árayaj con jém Wocciwiñ, íñacayajpa jém Moisés imijtay. Pero jém Miguel da iquejajwadáy jém Wocciwiñ, da imalnímáy, nada más iñímáy iga: Jém anJatuj Dios minjijyácpa.

¹⁰Yíp malopic maestroyaj, jém yamtigiñewiip con mimichfam, tsam imalnímayyajpa jém cosa jém dápic iixpicayajpa. Pero icutiyyayajpa jém malopic jixi juuts jém animatyaj dápic jixiíy. Jesic namiswatyajtap entre jeeyaj.

¹¹Agui uuguytim yípyaj pixiñtam porque tsam imalwatyaj juuts jém Caín. Ipic tungac tuj iga ricojap juuts jém Balaam. Cucaayajpa juuts jém rebelde Coré. ¹²Cuando miwagasíñatámpa con jém iñíwítam, jém iñtoytampáppic, jesic miñyajpatim yípyaj malopic pixiñtam. Nímanñtaayap iga íñamigo, pero da je. Tum tsaaji para mimichfam. Tsam wícyajpa y ucyajpa. Nawiidatap iyaac. Da iniñayyaj respeto jém tánQmi Jesucristo. Yípyaj jex juuts jém ucsi jém dápic iniñ tuj, jém sawa icmíña pyim, icnícpa jeexic. Jextim juuts tum cuy jém dápic

tímap y siip nasum itiempo, wixquímnetawum con ifichic, wisciy caane. ¹³Tsam tsigóypa jém lamar cuando pími poypa jém sawa. Ichacpa lamar aññaca jém niimoya y jém puchi. Yíp malopic pixiñtam jextim juuts jém niipoa. Tsam anmatyajpa, pero inimiña jém jixi dápic wi. Juuts tum matsa jém dápic ijodoñ juť nicpa, jeeyaj acnicyajtap jém piichcim juť tsam pími piichi. Tsacneta iga jemum tsíy ítumpiy tiempo.

¹⁴Wiñic í idic tum wibic pixiñ iñiyi Enoc. Je jém septimo nay despues de jém Adán. Chiífa jixi jém Enoc iga wiañ íñmat tí miña. Nímpa: “Ámtaami mimichfam, Dios anquejáy iga miña yíp naxyucmi jém tánQmi. Iwaganamiña tsam jáyan mil jém ipixiñtam jém cuáyñeyajwiip. ¹⁵Miña jém tánQmi iga iciipiñpa y ichiiba castigo ítumpiy jém táncaiyayajwiip. Miña iga inquejáypa iga táncaiy ítumpiy jém ijóyixajpáppic Dios porque tsam jáyan malopic cosa iwatyaj contra jém Dios inquímayooyi. Yíp malopic pixiñtam tsam imalnímayyaj jém tánQmi jeeyucmi chiijaytap castigo.” ¹⁶Tsam jóyteroyaj, í quej imalnímáypa. Imétsyajpa ítumpiy jém malopic cosa juuts icusúniyyajpa. Anmatyajpa juuts agui wiap. Agui nacujíptap iyaac. Imigóyayajpa jém íñwítam, icujípyajpa iga ítobáypa títam ixunpa.

**Chiíñap jixi jém
icupicneyajwiip Jesús**

¹⁷Mimichfam, mantoytampáppic, jistaami jém anmañi, jém

inmatnewiip jém apóstolyaj de jém tánQmi Jesucristo. ¹⁸Nimyaj: “Cuando núcpa jém inañpigam jama, itpa jém malopic pixiñtam. Tsam saayíoypa, tsam xiccaóypa. Siempre iwatyajpa juuts iwianjama jeeyaj, jém ďapic iwianjampa Dios.” ¹⁹Yípyaj iwécyajpa jém Dios ipixiñtam. Iniiťyaj yíp naxyucmipic jixi. Da iniiťyaj jém Dios iAnama ianamanjom.

²⁰Pero michťam, mantoyťampápic, seguido cuyujcai jém Dios inmaťi iga más y más wiap inwat juuts ixunpa tánQmi. Jígaayi iga miyoxpátpa jém Dios iAnama cuando inwattámpa oración.

²¹Cada tumtum de mimichťam nawattaji cuenta inyaac iga odoy inñhactamiñ jém tanJatuť Dios itóyooyi. Anjóctaami jém jama iga miyaachanjampa jém tánQmi

Jesucristo cuando michiitámpa jém vida ďapic cuyajpa.

²²Yaachanjami jém ďapic iwicutiíyíyapa. Wianquejaayi.

²³Ciacputiťim jém jipsquetpápic, topi de jém juctjom. Jém tungac, yaachanjami, cijníťim. Jóyixaayi hasta jém ipuctucu jém imanchajiywiip con jém imiťtay.

Icujíppa tanJatuť Dios

²⁴Siip tanjucijíptámpa jém wiapaap tawat cuenta iga da tacutiňpa. Agui pimi tamaymay iga tacwiñquejpa sin táńca Dios iwiňjom. ²⁵Jém túmpic Dios, jém taciacputtampaap por medio de tánQmi Jesucristo, tsam kujíptap. Je jém más miťpic anjagooyi. Iniiť itumpiy ipimi. Iniiť itumpiy autoridad. It pecam, it siip, it itumpiy tiempo. Amén. Jemum cuyaj.